

ՀԱՅՈՑ ՊԱՏՄՈՒԹՅՈՒՆ

ԹԵՍ 7

Խմբի համարը

Նստարանի համարը

Հարգելի՛ դիմորդ

Առաջադրանքները կատարելիս յուրաքանչյուրում պետք է ընտրել այն տարբերակը, որը Ձեր կարծիքով ճիշտ պատասխանն է, և պատասխանների ձևաթղթի համապատասխան մասում կատարել նշում:

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով Դուք կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը Դուք ազատորեն կարող եք օգտագործել սևագրության համար: ***Թեստ-գրքույկը չի ստուգվում: Ստուգվում է միայն պատասխանների ձևաթուղթը:***

Առաջադրանքները կատարելուց հետո չնոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Ցանկանում ենք հաջողություն:

Ա մակարդակ

- 1 Ե՞րբ է տեղի ունեցել Արածանիի ճակատամարտը.
- 1) ք. ա. 68 թ.
 - 2) ք. ա. 31 թ.
 - 3) ք. ա. 93 թ.
 - 4) ք. ա. 331 թ.
- 2 Ե՞րբ է գահակալել Արշակ 2-րդը.
- 1) 338-350 թթ.
 - 2) 350-368 թթ.
 - 3) 370-374 թթ.
 - 4) 330-338 թթ.
- 3 Ե՞րբ է տեղի ունեցել հայերի առաջին ընդվզումն արաբական տիրապետության դեմ.
- 1) 642 թ.
 - 2) 774 թ.
 - 3) 703 թ.
 - 4) 650 թ.
- 4 Ե՞րբ է հիմնադրվել Կոստանդնուպոլսի հայոց պատրիարքությունը.
- 1) 1562 թ.
 - 2) 1567 թ.
 - 3) 1441 թ.
 - 4) 1461 թ.
- 5 Ե՞րբ է կնքվել Էրզրումի պայմանագիրը, որով Թուրքիան վերստին ճանաչեց Պարսկաստանի տիրապետությունն Արևելյան Հայաստանում և Արևելյան Վրաստանում.
- 1) 1736 թ.
 - 2) 1711 թ.
 - 3) 1701 թ.
 - 4) 1715 թ.
- 6 Ե՞րբ է կնքվել Բրեստ-Լիտովսկի հաշտության պայմանագիրը.
- 1) 1917 թ. փետրվարի 27-ին
 - 2) 1918 թ. մարտի 3-ին
 - 3) 1918 թ. մայիսի 28-ին
 - 4) 1917 թ. հոկտեմբերի 24-ին
- 7 Ե՞րբ Հայաստանի ռազմաօդակազմի կոմիտեն երկիրը հռչակեց Խորհրդային Սոցիալիստական Հանրապետություն.
- 1) 1920 թ. հոկտեմբերի 14-ին
 - 2) 1920 թ. դեկտեմբերի 10-ին
 - 3) 1920 թ. նոյեմբերի 29-ին
 - 4) 1920 թ. սեպտեմբերի 28-ին

79) Համապատասխանեցնել մշակութային իրադարձությունը, տարեթիվը, գործչի անունը: Պատասխանները լրացնել առաջին խմբում առաջարկված հերթականության համաձայն:

N	Մշակութային իրադարձությունը	N	Տարեթիվը	N	Գործիչը
1	Հայկական ժողովրդական երգի ու պարի անսամբլի ստեղծումը	1	1922 թ.	1	Երվանդ Քոչար
2	Դրամատիկական թատրոնի հիմնումը	2	1931 թ.	2	Սերգեյ Մերկուրով
3	Հայկական առաջին հնչյունային «Պեպո» կինոնկարի բեմադրումը	3	1938 թ.	3	Հրաչյա Ղափլանյան
4	Երևանում Ստ. Շահումյանի մոնումենտի ստեղծումը	4	1963 թ.	4	Համո Բեկնազարյան
		5	1935 թ.	5	Թաթուլ Ալթունյան

- 1)

1	3	4
2	1	3
3	5	5
4	4	2

 2)

1	3	5
2	4	4
3	5	3
4	2	1

 3)

1	3	5
2	1	3
3	5	4
4	2	2

 4)

1	3	5
2	4	3
3	5	4
4	2	2

80) Համապատասխանեցնել իրադարձությունը, տարեթիվը, գործչի անունը, վայրը: Պատասխանները լրացնել առաջին խմբում առաջարկված հերթականության համաձայն:

N	Իրադարձությունը	N	Տարեթիվը	N	Գործիչը	N	Վայրը
1	Հայկական համատեղ պահանջների ներկայացվելը խաղաղության կոնֆերանսին	1	1918 թ. մարտի 1	1	Ե. Գեգեչկորի	1	Երևան
2	Թուրք-անդրկովկասյան բանակցությունների սկիզբը	2	1917 թ. մայիս	2	Ա. Ահարոնյան	2	Փարիզ
3	Անդրկովկասի կոմիսարիատի ստեղծումը	3	1919 թ. փետրվար	3	Ա. Չխենկելի	3	Տրապիզոն
4	Արևմտահայերի ազգային խորհրդի ստեղծումը	4	1917 թ. նոյեմբերի 15	4	Վ. Փափազյան	4	Թիֆլիս

- 1)

1	2	4	3
2	4	3	2
3	1	1	1
4	3	2	4

 2)

1	3	2	2
2	1	3	3
3	4	1	4
4	2	4	1

 3)

1	3	2	2
2	1	1	3
3	4	3	4
4	2	4	1

 4)

1	3	4	2
2	1	1	3
3	4	3	4
4	2	2	1

8) Ե՞րբ է ազատագրվել Շուշին.

- 1) 1992 թ. մայիսի 9-ին
- 2) 1990 թ. մայիսի 20-ին
- 3) 1993 թ. հունվարի 28-ին
- 4) 1991 թ. մարտի 18-ին

9) Որտեղի՞ց է սկիզբ առնում Արաքս գետը.

- 1) Արագածից
- 2) Սևանա լճից
- 3) Բյուրակն լեռներից
- 4) Հայկական պարից

10) Վաղ միջնադարում նախարարական ո՞ր տոհմին էր պատկանում արքունի թիկնապահություն (մաղխազություն) գործակալությունը.

- 1) Գնունիներին
- 2) Խորխոռունիներին
- 3) Բագրատունիներին
- 4) Ամատունիներին

11) Ո՞ր թագուհին է հիմնել Սանահինի և Հաղպատի վանքերը.

- 1) Կատրամիդե
- 2) Փառանձեմ
- 3) Թամար
- 4) Խոսրովանույշ

12) Միջնադարյան Հայաստանի վաճառաչահ ո՞ր քաղաքն էր բաց (առանց միջնաբերդի և արտաքին պարսպի) քաղաք.

- 1) Արծնը
- 2) Դվինը
- 3) Կարսը
- 4) Անին

13) Ո՞վ է հիմք դրել հայկական օպերային արվեստին.

- 1) Արամ Խաչատրյանը
- 2) Առնո Բաբաջանյանը
- 3) Կոմիտասը
- 4) Տիգրան Չուխաճյանը

14) Ո՞վ է գլխավորել Առաքելոց վանքի կռիվները.

- 1) Արաբոն
- 2) Աղբյուր Սերոբը
- 3) Անդրանիկը
- 4) Սեբաստացի Մուրադը

- 15) Ո՞վ էր գլխավորում 1919 թ. Հայաստան ժամանած ԱՄՆ-ի պատվիրակությունը.
- 1) Լլոյդ Ջորջը
 - 2) Ֆրիտյոֆ Նանսենը
 - 3) Յոհաննես Լեփսիուսը
 - 4) Ջեյմս Հարբորդը
- 16) Նշված ֆիլմերից որի՞ ռեժիսորն է Հ. Մալանը.
- 1) «Եռանկյունի»
 - 2) «Նամուս»
 - 3) «Բարև, ես եմ»
 - 4) «Նռան գույնը»
- 17) Հին Հայաստանում ինչպե՞ս են կոչվել պետության սահմաններում գտնվող մեծածավալ նահանգները.
- 1) սատրապություններ
 - 2) ստրատեգիաներ
 - 3) բրեշխություններ
 - 4) քուստակներ
- 18) Ո՞րն է «աթաբեկ» տերմինի բացատրությունը.
- 1) արքունի թիկնապահ գնդի հրամանատար
 - 2) ազնվական Կիլիկյան Հայաստանում
 - 3) բանակի պարենի մատակարար
 - 4) թագաժառանգի խնամակալ
- 19) Նախնադարյան հասարակության շրջափուլերը դասավորել ժամանակագրական հաջորդականությամբ.
- ա) նեոլիթ
բ) էնեոլիթ
գ) պալեոլիթ
դ) մեզոլիթ
- 1) դ, բ, գ, ա
 - 2) գ, դ, բ, ա
 - 3) գ, դ, ա, բ
 - 4) դ, գ, բ, ա
- 20) Իրադարձությունները դասավորել ժամանակագրական հաջորդականությամբ.
- ա) Վասպուրականի թագավորության հանձնվելը Բյուզանդիային:
բ) Արաբ ամիրա Մամլանի հարձակվելը Հայաստանի և Վրաստանի վրա:
գ) Սյունիքի թագավորության հիմնումը:
դ) Տայքի միացվելը Բյուզանդիային:
- 1) դ, բ, ա, գ
 - 2) գ, բ, ա, դ
 - 3) դ, բ, գ, ա
 - 4) գ, բ, դ, ա

- 76) Իրադարձությունները դասավորել ժամանակագրական հաջորդականությամբ.
- ա) Գևորգ 5-րդ կաթողիկոսի կողմից ցարի առջև Բեռլինի պայմանագրի 61-րդ հոդվածն իրականացնելու հարցի բարձրացումը:
բ) Երիտթուրքական հեղաշրջումը Թուրքիայում:
գ) Հայ-թաթարական առաջին ընդհարումները Բաքվում:
դ) Պարենհարկի մասին որոշման ընդունումը Հայաստանում:
ե) Գևորգ Չավուշի վիրավորվելը և մահը:
զ) Անկախ և միացյալ Հայաստանի հռչակումը:
է) Վեստենենկի և Յոֆի նշանակվելը Արևմտյան Հայաստանի նահանգապետեր:
ը) Հայոց եկեղեցու գույքի բռնագրավման մասին օրենքի ընդունումը:
թ) «Թուրքահայաստանի մասին» հրովարտակի ընդունումը:
ժ) Լոնդոնի կոնֆերանսի որոշումը հայկական ազգային օջախ ստեղծելու մասին:
- 1) ը, գ, ե, բ, ա, է, թ, գ, ժ, դ
 - 2) գ, ը, ե, ա, թ, բ, գ, է, դ, ժ
 - 3) գ, ը, ե, բ, է, ա, գ, թ, ժ, դ
 - 4) ը, ե, գ, ա, բ, է, թ, դ, գ, ժ
- 77) Կարդալ մեջբերված հատվածը և պատասխանել հարցին:
«Նրանք առաջինն էին, որ իրենց ձեռքով հայացված եկեղեցու համար հայերեն երգեր գրեցին ու երգեցին: Ավանդությունը հականե հանվանե ցույց է տալիս, թե որոնք են և ... հեղինակած շարականները: Նրանց սկսածը շարունակեցին նրանց աշակերտները, այնպես որ Ոսկեդարը հանձնեց իր հաջորդ դարերին հոգևոր բանաստեղծությունների մի մեծ շարք»:
- Ո՞ւմ մասին են պատմաբան Լեոյի վերը բերված խոսքերը.*
- 1) Մեսրոպ Մաշտոցի և Կոմիտաս կաթողիկոսի
 - 2) Մեսրոպ Մաշտոցի և Սահակ Պարթևի
 - 3) Մովսես Խորենացու և Սահակ Պարթևի
 - 4) Մովսես Խորենացու և Մեսրոպ Մաշտոցի
- 78) Կարդալ մեջբերված հատվածը և պատասխանել հարցին:
«Տրոցկիստները և այլ հակակուսակցական տարրերը Հայաստանի կուսակցական ղեկավարության կողմից անհրաժեշտ հակահարված չեն ստանում: ՀամԿ(բ)Կ Կենտկոմը և ԽՍՀՄ Ժողկոմխորհը չեն կարող թույլ տալ, որ հայ ժողովրդի թշնամիները ազատորեն թրև գան Հայաստանում, վնաս հասցնեն ժողովրդական տնտեսությանը և կեղեքեն գյուղացիությանն ու բանվոր դասակարգին»:
- Ի՞նչ դեպքի հետ է կապված Ի. Ստալինի վերը բերված նամակը ՀԿ(բ)Կ Կենտկոմի բյուրոյին.*
- 1) Ս. Տեր-Գաբրիելյանի մահվան
 - 2) Ս. Կիրովի սպանության
 - 3) Վ. Լենինի մահվան
 - 4) կոլեկտիվացման քաղաքականության ձախողման

73 Փաստարկներից ընտրել երեքը, որոնք ճիշտ են պարզաբանում 16-17-րդ դարերի թուրք-պարսկական պատերազմների հետևանքները Հայաստանի համար.

- ա) Հայ խոշոր իշխաններն իրենց տիրույթները պահպանելու համար ստիպված ընդունեցին մահմեդականություն:
- բ) Հայ բնակչության մի մասը մահացավ սովից ու համաճարակներից, մի մասն էլ գերեվարվեց և ստրկության վաճառվեց:
- գ) Հայաստան թափանցեցին թուրքական ու քրդական ցեղեր, որոնք բնակվեցին երկրի բարեբեր երկրամասերում:
- դ) Հայկական փոքրիկ թագավորությունները դադարեցին գոյություն ունենալ:
- ե) Ավերվեցին երկրի քաղաքներն ու գյուղերը, քայքայվեց տնտեսությունը:
- զ) Հայ առևտրականները պահպանեցին Պարսկաստանի մետաքսի առևտրի մենաշնորհը:
- է) Հայաստանից սկսվեց զանգվածային գաղթ դեպի Հնդկաստան և Ամերիկա:

- 1) ա, դ, է
- 2) բ, գ, զ
- 3) գ, դ, է
- 4) բ, գ, է

74 Փաստարկներից ընտրել երեքը, որոնք ճիշտ են պարզաբանում Արևելյան Հայաստանում ռուսական տիրապետության հաստատման դրական հետևանքները հայ ժողովրդի համար:
Դրա հետևանքով հայ ժողովուրդը...

- ա) ստացավ ինքնավարություն:
- բ) մեկընդմիջտ ազատագրվեց պարսկա-թուրքական դարավոր լծից:
- գ) ազատություն ձեռք բերեց:
- դ) ձեռք բերեց ազգահավաքման ու գոյատևման հաստատուն և ապահով կենտրոն:
- ե) ազատվեց ազգային-գաղութային ճնշումներից:
- զ) ստացավ տնտեսական և մշակութային զարգացման ավելի տանելի պայմաններ:
- է) ստացավ կյանքի և գույքի ապահովություն:

- 1) դ, գ, է
- 2) ա, բ, գ
- 3) գ, դ, է
- 4) ե, գ, է

75 Դեպքերը դասավորել ժամանակագրական հաջորդականությամբ.

- ա) Մխիթարյան միաբանության հիմնումը:
- բ) Հովհաննավանքի դպրոցի հիմնադրումը:
- գ) Աբգար դպիր Թոխատեցու ղեկավարած պատվիրակության մեկնումը Վենետիկ:
- դ) Հայկական տպարանի հիմնումը Մադրասում:
- ե) Շահ Աբասի իրականացրած հայ բնակչության բռնագաղթը:
- զ) Իսրայել Օրու գլխավորած ռուսական դեսպանության ժամանումը Սպահան:
- է) Նոր Ջուղայի հայ առևտրական ընկերության և Ռուսաստանի միջև պայմանագրի կնքումը:
- ը) Դավիթ Բեկի մահը:
- թ) Հովսեփ Էմինի Հնդկաստանից Անգլիա ուղևորվելը:
- ժ) Ամասիայի հաշտության պայմանագրի կնքումը:

- 1) ե, գ, ժ, բ, գ, է, ա, դ, ը, թ
- 2) ժ, ե, բ, գ, է, ա, գ, ը, դ, թ
- 3) գ, ժ, ե, է, գ, ա, բ, թ, ը, դ
- 4) ժ, գ, ե, բ, է, գ, ա, ը, թ, դ

21 Ճակատամարտերը դասավորել ժամանակագրական հաջորդականությամբ.

- ա) Հալիձորի
- բ) Օշականի
- գ) Չավնդուրի
- դ) Շամխորի

- 1) ա, գ, դ, բ
- 2) ա, դ, բ, գ
- 3) գ, ա, դ, բ
- 4) գ, ա, բ, դ

22 Իրադարձությունները դասավորել ժամանակագրական հաջորդականությամբ.

- ա) Լազր Չափչախյանին Խորհրդային Միության հերոսի կոչում շնորհվելը:
- բ) Ի. Ստալինի մահը:
- գ) Ներսես Ստեփանյանի նկատմամբ շինծու գործի ստեղծումը և զանգվածային ձերբակալությունները Հայաստանում:
- դ) ԽՄԿԿ 20-րդ համագումարը:

- 1) գ, ա, բ, դ
- 2) գ, ա, դ, բ
- 3) բ, ա, դ, գ
- 4) բ, ա, գ, դ

23 Ե՞րբ է տեղի ունեցել Խառանի ճակատամարտը.

- 1) թ. ա. 34 թ.
- 2) թ. ա. 53 թ.
- 3) թ. ա. 40 թ.
- 4) թ. ա. 36 թ.

24 Ե՞րբ Բյուզանդիայի հայազգի Վասիլ 1-ին կայսրը Աշոտ Բագրատունուց թագ խնդրեց.

- 1) 908 թ.
- 2) 890 թ.
- 3) 876 թ.
- 4) 885 թ.

25 Ե՞րբ է կազմավորվել հայ կամավորների Արարատյան զորամիավորումը.

- 1) 1918 թ. հոկտեմբերին
- 2) 1917 թ. դեկտեմբերին
- 3) 1916 թ. փետրվարին
- 4) 1915 թ. ապրիլին

26 Ե՞րբ է կազմակերպվել Հայաստանի կերպարվեստի թանգարանը (Հայաստանի ազգային պատկերասրահը).

- 1) 1935 թ.
- 2) 1941 թ.
- 3) 1915 թ.
- 4) 1965 թ.

27 Որքա՞ն է տևել հելլենիստական դարաշրջանը Հայաստանում.

- 1) 100 տարի
- 2) 600 տարի
- 3) երեք դար
- 4) երկու դար

28 Ինչպե՞ս է կոչվում Մխիթար Հերացու աշխատությունը.

- 1) «Գիրք դատաստանի»
- 2) «Բնության մասին»
- 3) «Աշխարհացույց»
- 4) «Ձերմաց մխիթարություն»

29 Ո՞վ էր Ձեյթունի 1895 թ. ապստամբության իրական ղեկավարը.

- 1) Մարկոս Թաշճյանը
- 2) Նազարեթ Չավուշը
- 3) Սիմոն Ջավարյանը
- 4) Կայծակ Առաքելը

30 Ո՞վ էր Բյուրո-կառավարության նախարարապետը.

- 1) Համազասպ Օհանջանյանը
- 2) Սիմոն Վրացյանը
- 3) Հովհաննես Քաջազնունին
- 4) Ալեքսանդր Խատիսյանը

31 Ինչպե՞ս էր կոչվում Հայկական մարզի կառավարումն իրականացնող մարմինը.

- 1) մարզային կոմիտե
- 2) նահանգական վարչություն
- 3) մարզային վարչություն
- 4) գավառական վարչություն

32 Ինչպե՞ս էր կոչվում Ղարաբաղյան շարժումը Հայաստանում և Արցախում կողորդնացնելու նպատակով Իգոր Մուրադյանի գլխավորությամբ ստեղծված կառույցը.

- 1) Հայոց համազգային շարժում
- 2) Կազմկոմիտե
- 3) Ղարաբաղյան շարժման Հայաստանի կոմիտե
- 4) Ղարաբաղ կոմիտե

33 Ինչո՞ւ Մլեհը դարձավ հայ իշխանների և հոգևորականության կազմակերպած դավադրության զոհը:
Որովհետև նա...

- 1) փորձեց թուլացնել հայ եկեղեցու տնտեսական հզորությունը:
- 2) Միջերկրականի ծովեզերքը բյուզանդացիներից և խաչակիրներից մաքրելու համար դաշնակցեց մահմեդական ամիրայությունների հետ:
- 3) փորձեց հայոց եկեղեցին ենթարկել կաթոլիկ եկեղեցուն:
- 4) հայ ավագանուն պարտադրեց բնակվել նոր մայրաքաղաք Սիսուն:

71 Հասկացությունները համապատասխանեցնել իրենց բովանդակությանը.

1. Ազգային խորհուրդ
2. ՕՍՕՆ
3. Արտակարգ հանձնաժողով
4. Պաշտպանության պետական կոմիտե (ՊՊԿ)
5. ԵԱՀԽ

- ա) Արցախյան պատերազմի ժամանակ ԼՂՀ-ում գործող պետական մարմին, որի ձեռքում էր կենտրոնացված ամբողջ գործադիր իշխանությունը
- բ) ԽՍՀՄ Գերագույն խորհրդի կողմից ստեղծված մարմին, որի վրա դրվեց ԼՂԻՄ-ը կառավարելու խնդիրը
- գ) ԼՂԻՄ լիազոր ներկայացուցիչների համագումարում մարզը կառավարելու համար ընտրված մարմին
- դ) 1920-ական թվականներին ԽՍՀՄ-ում գործող իրավապահ մարմին
- ե) ադրբեջանական հատուկ նշանակության զինված ջոկատներ
- զ) միջազգային կառույց, որը ներգրավված է Լեռնային Ղարաբաղի հիմնախնդրի կարգավորման գործում

- 1) 1-բ, 2-դ, 3-ա, 4-գ, 5-ե
- 2) 1-գ, 2-ե, 3-դ, 4-ա, 5-զ
- 3) 1-գ, 2-բ, 3-դ, 4-ա, 5-զ
- 4) 1-բ, 2-ե, 3-ա, 4-գ, 5-դ

72 Փաստարկներից ընտրել երեքը, որոնք ճիշտ են պարզաբանում 591 թ. պարսկա-բյուզանդական պայմանագրի հետևանքները Հայաստանի համար.

- ա) Հայաստանի քաղաքական անջատվածությունն ավելի խորացավ:
- բ) Պարսիկները պարտավորվեցին իրենց զորքերը դուրս բերել Հայաստանից:
- գ) Հայաստանի տարածքի մեծ մասն անցավ Պարսկաստանին:
- դ) Բյուզանդիան էապես ընդլայնեց իր սահմանները Հայաստանում:
- ե) Դժվարացան Հայաստանի տարբեր շրջանների միջև տնտեսական կապերը:
- զ) Բյուզանդիան պարտավորվեց այսուհետ չխառնվել Հայաստանի գործերին:
- է) Հայաստանը ստացավ լիակատար անկախություն:

- 1) ա, գ, զ
- 2) բ, դ, ե
- 3) ա, դ, ե
- 4) բ, գ, է

69 Պայմաններից ընտրել չորսը, որոնք ճիշտ են ներկայացնում Մոսկվայի ռուս-թուրքական բարեկամության և եղբայրության մասին պայմանագիրը.

- ա) Թուրքիային էին անցնում Կարսի մարզը և Սուրմալուի գավառը:
- բ) Ռուսաստանը ճանաչում էր Թուրքիայի իրավունքները թուրքաբնակ բոլոր վայրերում:
- գ) Սահմանափակվում էին Հայաստանի զինված ուժերը:
- դ) Հայաստանի երկաթուղիների վերահսկողությունն անցնում էր Թուրքիային:
- ե) Թուրքական զորքերը նահանջելու էին մինչև 1914 թ. սահմանները:
- զ) Թուրքիայի հյուսիս-արևելյան սահմանն անցնում էր Ախուրյան և Արաքս գետերի հունով:
- է) Նախիջևանի մարզը դառնում էր ինքնավար տարածք՝ Ադրբեջանի խնամակալության տակ, որը չէր զիջվելու երրորդ պետության:

- 1) ա, գ, դ, ե
- 2) ա, գ, դ, է
- 3) բ, գ, դ, զ,
- 4) ա, բ, գ, է

70 Տերմինները համապատասխանեցնել իրենց բովանդակությանը.

- 1. ձիավոր
- 2. հեծելազոր
- 3. պահեստազոր
- 4. աշխարհազոր

- ա) հայոց արքայի թիկնապահ հեծելազունը, որի գլխավոր խնդիրը թագավորի և արքունիքի անվտանգությունը պահպանելն էր
- բ) կոչում Կիլիկյան բանակում, որը գլխավորապես տրվում էր ազնվականներին և այն կրողներն իրենց հանդերձանքով և սպառազինությամբ հիշեցնում էին արևմտաեվրոպական ասպետներին
- գ) պատերազմի ժամանակ ժողովրդից հավաքագրված լրացուցիչ զորքը, որն առաջնորդում էին գավառների կառավարիչները
- դ) հայկական զորքի գլխավոր հարվածող ուժը
- ե) զորքի այն մասը, որն ի սկզբանե չէր մասնակցում ճակատամարտին և տեղ էր զբաղեցնում բանակի թիկունքում

- 1) 1-բ, 2-դ, 3-ե, 4-գ
- 2) 1-դ, 2-ա, 3-գ, 4-ե
- 3) 1-ա, 2-դ, 3-ե, 4-գ
- 4) 1-բ, 2-ա, 3-գ, 4-ե

34 Ինչո՞ւ 1909 թ. Կիլիկիայի հայության ջարդերի ընթացքում Մարաշում թուրքերը բռնություններ չկիրառեցին:
Որովհետև...

- 1) դեպքերին միջամտեցին տերությունների Կ. Պոլսի դեսպանները:
- 2) մարաշցիները դիմեցին Ֆրանսիայի օգնությանը:
- 3) թուրքերը երկյուղեցին գեյթունցիների պատասխան հարձակումից:
- 4) կառավարությունը ջարդերը դադարեցնելու հրաման տվեց:

35 Դեպքերը դասավորել ժամանակագրական հաջորդականությամբ.

- ա) Անգեղակոթի գաղտնի խորհրդակցության հրավիրումը:
- բ) Ստեփանոս Սալմաստեցի կաթողիկոսի կողմից գաղտնի խորհրդակցության հրավիրումը:
- գ) Նոր Զուղայում հայկական տպարանի ստեղծումը:
- դ) Հայկական տպարանի հիմնումը Մադրասում:
- ե) Մահտեսի Մուրադի պատվիրակության Փարիզ ուղարկվելը:

- 1) ա, գ, բ, դ, ե
- 2) բ, գ, ե, ա, դ
- 3) բ, գ, ա, ե, դ
- 4) գ, ա, բ, դ, ե

36 Իրադարձությունները դասավորել ժամանակագրական հաջորդականությամբ.

- ա) Պաշտպան Հայրենյաց կազմակերպության հիմնադրումը:
- բ) Ազիզ փաշայի կողմից Զեյթունի պաշարումը:
- գ) Դաշնակցություն կուսակցության «Մանիֆեստի» հրատարակումը:
- դ) Սան-Ստեֆանոյի հաշտության պայմանագրի կնքումը:
- ե) Արևմտահայերի ազգային սահմանադրության հաստատումը սուլթանական կառավարության կողմից:

- 1) բ, ե, դ, ա, գ
- 2) բ, ե, գ, դ, ա
- 3) գ, բ, դ, ե, ա
- 4) դ, բ, ե, ա, գ

37 Կարդալ մեջբերված հատվածը և պատասխանել հարցին:
«Այս թող լինի հաշտության ուխտ իմ և ձեր մեջ՝ որքան ժամանակ որ դուք կամենաք: Երեք տարի ես ձեզանից հարկ չեմ առնելու, իսկ հետո հարկ կտաք ձեր երդման համաձայն, որքան դուք կամենաք...»:

Ո՞վ է վերը բերված խոսքերի հեղինակը.

- 1) Մանգու խանը
- 2) Նադիր շահը
- 3) Շահ Աբասը
- 4) Մուավիան

38 Կարդալ մեջբերված հատվածը և պատասխանել հարցին:
«Ռուսաստանը պարտավորվում է Անդրկովկասյան հանրապետությունների նկատմամբ դիմել քայլերի, որպեսզի այդ հանրապետությունների կողմից Թուրքիայի հետ կնքվելիք պայմանագրերում անպատճառ ճանաչվեն սույն Պայմանագրի այն հոդվածները, որոնք անմիջապես վերաբերում են իրենց»:

Ո՞ր պայմանագրից է վերը բերված մեջբերումը.

- 1) Բրեստ-Լիտովսկի
- 2) Բաթումի
- 3) Մոսկվայի
- 4) Բեռլինի

39 Իրադարձությունները համապատասխանեցնել տարեթվերի հետ.

- 1. Չաքարիա կաթողիկոսի եղբորորդի Սմբատի օծվելը հայոց թագավոր
- 2. Մակուհի (Արտազի) հայոց իշխանության վերացումը
- 3. Լվովի հայկական տաճարի կառուցումը
- 4. Հայաստանի երկրորդ բաժանումը Թուրքիայի և Պարսկաստանի միջև

- ա) 1639 թ.
- բ) 1555 թ.
- գ) 1465 թ.
- դ) 1426 թ.
- ե) 1363 թ.

- 1) 1-գ, 2-դ, 3-ա, 4-բ
- 2) 1-բ, 2-ե, 3-գ, 4-ա
- 3) 1-դ, 2-գ, 3-ա, 4-բ
- 4) 1-գ, 2-դ, 3-ե, 4-ա

40 Հայ պարբերականները համապատասխանեցնել դրանց հրատարակության վայրերի հետ.

- | | |
|---------------|--------------|
| ա) «Բազմավեպ» | 1) Թիֆլիս |
| բ) «Ազգասեր» | 2) Վենետիկ |
| գ) «Լրո գիր» | 3) Կ.Պոլիս |
| դ) «Արարատ» | 4) Չնյուռնիա |
| | 5) Կալկաթա |

- 1) ա-2, բ-5, գ-4, դ-3
- 2) ա-2, բ-5, գ-3, դ-1
- 3) ա-1, բ-4, գ-2, դ-3
- 4) ա-1, բ-4, գ-5, դ-2

66 Կատարել համապատասխանեցում.

- | | |
|-----------------|--------------|
| 1. Համամլու | ա) Արմավիր |
| 2. Ղուրղուղուլի | բ) Ալաշկերտ |
| 3. Էլար | գ) Արշալույս |
| 4. Վաղարշակերտ | դ) Արտաշատ |
| 5. Ղամարլու | ե) Կոտայք |
| 6. Քյորփալու | զ) Սպիտակ |
| | է) Արարատ |

- 1) 1-ե, 2-գ, 3-զ, 4-ա, 5-դ, 6-բ
- 2) 1-զ, 2-դ, 3-գ, 4-ա, 5-է, 6-բ
- 3) 1-զ, 2-ա, 3-ե, 4-բ, 5-դ, 6-գ
- 4) 1-զ, 2-դ, 3-ե, 4-բ, 5-է, 6-գ

67 Կատարել համապատասխանեցում.

- | | |
|---|-----------------|
| 1. Հայրենիքի փրկության կոմիտեի ստեղծումը | ա) Լ. Շանթ |
| 2. Կիլիկիան «ինքնավար հանրապետություն» հռչակելը | բ) Սեպուհ |
| 3. Ալեքսանդրապոլի պայմանագրի կնքումը | գ) Դրո |
| 4. Բոլշևիկների ապստամբության ճնշումն Ալեքսանդրապոլում | դ) Մ. Տամատյան |
| 5. Հայ-ռուսական բանակցությունները Մոսկվայում | ե) Ա. Ահարոնյան |
| 6. Երևանի հայ-ռուսական համաձայնագրի ստորագրումը | զ) Ս. Վրացյան |
| | է) Ալ. Խատիսյան |

- 1) 1-զ, 2-դ, 3-է, 4-բ, 5-ա, 6-գ
- 2) 1-դ, 2-ա, 3-է, 4-բ, 5-ե, 6-գ
- 3) 1-զ, 2-դ, 3-ե, 4-գ, 5-է, 6-ա
- 4) 1-դ, 2-ե, 3-զ, 4-գ, 5-ա, 6-է

68 Պայմաններից ընտրել չորսը, որոնք ճիշտ են ներկայացնում Շահամիր Շահամիրյանի կազմած հայ-ռուսական դաշնագրի նախագիծը.

- ա) Կառավարությունը գլխավորելու էր հայազգի նախարարը:
- բ) Երկու երկրների միջև սահմանվելու էր ազատ երթևեկություն:
- գ) Հայաստանում պետք է լինեին չափավոր քանակի ռուսական զորք՝ երկիրը հնարավոր հարձակումներից պաշտպանելու համար:
- դ) Ազատագրված Հայաստանը պետք է հռչակվեր հանրապետություն՝ պառլամենտական կառուցվածքով:
- ե) 6000-ամոց ռուսական զորքը 20 տարի մնալու էր Հայաստանում:
- զ) Հայոց թագավորի ընտրությունը կատարելու էր ռուսաց կայսրը, որն այնուհետև պետք է օծվեր Էջմիածնում:
- է) Արցախի մելիքներից մեկը դառնալու էր Հայաստանի թագավոր:

- 1) ա, բ, գ, դ
- 2) ա, բ, դ, ե
- 3) բ, ե, գ, է
- 4) ա, գ, զ, է

- 62 Կարդալ մեջբերված հատվածը և պատասխանել հարցին:
«...Բայց չարագործ Մեհրուժանը ձիու վիրավորված լինելու պատճառով չկարողացավ փախչողների հետ արագ հեռանալ, հայոց Սմբատ սպարապետը աճապարելով հասավ նրա մոտ, նրա հետ եկող զորքերին կոտորեց և այն թշվառականին ձերբակալեց Կոզովիտի եղեգնուտի ափին...»:
- Ո՞ր ճակատամարտի մասին է պատմիչի վկայությունը.*
- 1) Ակոռիի
 - 2) Ճարմանայի
 - 3) Խաղխաղի
 - 4) Ձիրավի
- 63 Կարդալ մեջբերված հատվածը և պատասխանել հարցին:
«Ձաքարեն վրաց թագավորին ենթակա վրաց ու հայոց զորքերի զորավարն էր, իսկ Իվանեն ուներ աթաբեկության տիտղոս: Սրանք բազմաթիվ հերոսական մարտեր մղեցին, որովհետև պարսիկների ու տաճիկների կողմից գրավված հայոց շատ երկրներ խլեցին նրանցից...»:
- Ո՞ր պատմիչն է թողել վերը բերված վկայությունը.*
- 1) Կիրակոս Գանձակեցին
 - 2) Ստեփանոս Շահումյանը
 - 3) Ազաթանգեղոսը
 - 4) Թովմա Արծրունին
- 64 Կարդալ մեջբերված հատվածը և պատասխանել հարցին:
«Բոլորը զենքը ձեռքին շտապում են , այնտեղից առաջ: Ջոկատները գնում են երկար ժամանակի համար վերցված իրենց պարենով: Ոգևորությունն աննախադեպ է»:
- Ո՞ւմ է ուղղված Արամ Մանուկյանի վերը բերված հեռագիրը.*
- 1) Դանիել Բեկ Փիրումյանին
 - 2) Թովմաս Նազարբեկյանին
 - 3) Մովսես Սիլիկյանին
 - 4) Դրաստամատ Կանայանին
- 65 Պատմական գործիչների անունները համապատասխանեցնել նրանց հետ կապված իրադարձությունների հետ.
- | | |
|-----------------------|--|
| 1. Աշոտ 3-րդ | ա) Տաշիր-Չորագետի թագավորության հիմնադրումը |
| 2. Աշոտ 2-րդ | բ) Գառնիի տաճարի կառուցումը |
| 3. Տրդատ 1-ին | գ) Անին մայրաքաղաք հռչակելը: |
| 4. Գուրգեն Բագրատունի | դ) Հայ Արշակունիների ժառանգական դինաստիայի սկզբնավորումը |
| 5. Խոսրով 1-ին | ե) Արձնիի ճակատամարտը |
| 6. Սմբատ Բագրատունի | զ) Կարսի թագավորության հիմնադրումը |
| | է) Բյուզանդիայի հետ հակաարաբական դաշինքի կնքումը |
- 1) 1-է, 2-զ, 3-դ, 4-ա, 5-բ, 6-ե
 - 2) 1-է, 2-զ, 3-դ, 4-ե, 5-բ, 6-ա
 - 3) 1-զ, 2-զ, 3-է, 4-ե, 5-դ, 6-ա
 - 4) 1-զ, 2-է, 3-բ, 4-ա, 5-դ, 6-ե

- 41 Նշված պնդումներից որո՞նք են սխալ.
- ա) Տիգրան 1-ինը Մեծ Հայքին է միացրել Ծովքը:
 - բ) Տիգրան 2-րդի զորքերը գրավել են Կորդուքը, Ադիաբենեն, Օսրոյենը և Փոքր Հայքը:
 - գ) Արևմուտքում Արտաշես 1-ինը Մեծ Հայքին է միացրել Կարինը և Դերջանը:
 - դ) Տիգրան Երվանդյանի օրոք հայկական թագավորության սահմանները ձգվել են Միջերկրական ծովից մինչև Հնդկաստան:
 - ե) Երվանդունիների օրոք հայկական թագավորության սահմանները հարավ-արևելքում հասել են Մեդիային:
- 1) բ, դ, ե
 - 2) բ, գ, դ
 - 3) ա, գ, դ
 - 4) ա, բ, դ
- 42 Գագիկ 1-ինը նշված գավառներից ո՞րն է խլել Վասպուրականից և միացրել Բագրատունիների թագավորությանը.
- 1) Կոզովիտը
 - 2) Տարոնը
 - 3) Մանանաղը
 - 4) Սասունը
- 43 Մոնղոլներն ինչո՞ւ էին վստահ, որ Հայաստանում կազմակերպված դիմադրության չեն հանդիպելու:
- Որովհետև...
- 1) Հայաստանում մնացել էին միայն նրանց հավատարիմ հայ ազնվականները:
 - 2) հայոց այրուձին մեկնել էր Եգիպտոս պատերազմի:
 - 3) իշխաններից յուրաքանչյուրը քաշվել էր իր տոհմական ամրոցը և մտածում էր միայն սեփական կալվածքների պաշտպանության մասին:
 - 4) հայ իշխանները մեկնել էին Վրաստան հակամոնղոլական դաշինք կնքելու:
- 44 Ի՞նչ հետևանքներ ունեցավ Ազգային սահմանադրության ընդունումն արևմտահայ իրականության համար.
- 1) Կղերամհրայական խավերը որոշ չափով զրկվեցին ազգային գործերը մենաշնորհ կառավարելու իրավունքից:
 - 2) Արևմտահայերը ստացան անձի ու գույքի ապահովություն:
 - 3) Պոլսահայ համայնքը ստացավ քաղաքական լայն ազատություններ:
 - 4) Որոշ չափով նվազեցին քուրդ աղաների հարստահարությունները:
- 45 Դեպքերը դասավորել ժամանակագրական հաջորդականությամբ.
- ա) Երվանդաշատի կառուցումը:
 - բ) Վահան Ամատունու հեռացվելը հազարապետությունից:
 - գ) Դվինի կառուցումը:
 - դ) Մծբինի հաշտության պայմանագրի կնքումը:
 - ե) Վաղարշապատի կառուցումը:
- 1) ա, ե, դ, գ, բ
 - 2) ա, ե, գ, բ, դ
 - 3) բ, ա, դ, գ, ե
 - 4) բ, ա, գ, ե, դ

46 Դեպքերը դասավորել ժամանակագրական հաջորդականությամբ.

- ա) Լոզանի կոնֆերանսի սկիզբը:
- բ) Խորհրդային Հայաստանի տնտեսության հասնելը նախապատերազմյան 1913 թ. մակարդակին:
- գ) Դաշնակցության ինքնավերացման համագումարը:
- դ) Հայաստանի խորհուրդների առաջին համագումարը:
- ե) Հայաստանի Ռազմհեղկոմի վերակառուցվելը ժողովրդական կոմիսարների խորհրդի:

- 1) ե, դ, գ, բ, ա
- 2) դ, ե, գ, բ, ա
- 3) դ, ե, գ, ա, բ
- 4) ե, դ, ա, գ, բ

47 Կարդալ մեջբերված հատվածը և պատասխանել հարցին.

«Երբ Մանգու մեծ խանը թագավորեց, մեծ թագավորահայր և զորավար Բաթուն, որն անթիվ բազմությամբ բանակել էր հյուսիսի կողմերում՝ Իթիլ (Վոլգա) կոչվող մեծ ու անհուն գետի ափին, որը թափվում է Կասպից ծովը, պատվիրակ ուղարկեց Յեթում թագավորի մոտ, որ գա իրեն ու Մանգու խանին տեսնելու...»

Ո՞ր պատմիչն է մեջբերված հատվածի հեղինակը.

- 1) Ղազար Փարպեցին
- 2) Կիրակոս Գանձակեցին
- 3) Սեբեոսը
- 4) Եսայի Հասան-Ջալալյանը

48 Կարդալ մեջբերված հատվածը և պատասխանել հարցին:

«Ամբողջ Ռուսաստանը, ամբողջ աշխարհը սարսափից երերաց, իմանալով (1905 թ.) փետրվարի 6-9-ին Բաքվում տեղի ունեցած դեպքերը: Ռուսաստանը փնտրում է և չի կարող գտնել դժբախտության պատճառը: Ով որ ճանաչում է նրա հեղինակին, պարտավոր է ցույց տալ բացարձակապես: Ապա թե ոչ, նա ինքը կդառնա հանցավորին թաքցնող: Ես ճանաչում եմ հանցավորին և սրբազան պարտք եմ համարում տալ նրա անունը: Կոտորածի հեղինակը դուք եք...»:

Ո՞ւմ էին ուղղված Բաքվի նախկին քաղաքագլուխ Նովիկովի նամակի վերը բերված տողերը.

- 1) Նիկոլայ 2-րդ ցարին
- 2) Կովկասի կառավարչապետ Գ. Գոլիցինին
- 3) Բաքվի նահանգապետ Մ. Նակաշիձեին
- 4) Կովկասի փոխարքա Ի. Վորոնցով-Դաշկովին

59 Իրադարձությունները դասավորել ժամանակագրական հաջորդականությամբ.

- ա) Կիլիկյան գահի հանձնումը Լուսինյան տոհմին:
- բ) Ռուբինյան իշխանության հիմնադրումը:
- գ) Մոնղոլների դեմ Դավիթ 7-րդի գլխավորած հայ-վրացական ապստամբությունը:
- դ) Անիի վերջնական ազատագրումը հայ-վրացական զորքերի կողմից:
- ե) Լևոն 2-րդի մահը:
- զ) Յեթումյան արքայատոհմի հաստատումը Կիլիկիայում:

- 1) դ, բ, ե, գ, գ, ա
- 2) բ, ե, գ, դ, գ, ա
- 3) բ, դ, ե, գ, գ, ա
- 4) բ, ե, դ, գ, ա, գ

60 Գտնել այն իրադարձությունը, որը խախտում է ստորև բերված դեպքերի շարքի հաջորդականությունը.

- ա) Ռուսական բանակի կողմից Երևանի բերդի երկրորդ պաշարումը:
- բ) Գյուլիստանի հաշտության պայմանագրի կնքումը:
- գ) Դեհկարիսանի հաշտության բանակցությունները:
- դ) Հայկական մարզի, որպես առանձին վարչական միավորի, վերացվելը:
- ե) Ռուսական զորքերի կողմից գեներալ Ն. Մուրավյովի հրամանատարությամբ Կարսի գրավումը:
- զ) Եկեղեցական կանոնադրության ընդունումը:

- 1) ե
- 2) գ
- 3) բ
- 4) դ

61 Գտնել այն երկու իրադարձությունները, որոնք խախտում են ստորև բերված դեպքերի շարքի հաջորդականությունը.

- ա) Հայկական 76-րդ հրաձգային դիվիզիայի կազմավորումը:
- բ) Հայաստանի գրողների միասնական միության ստեղծումը:
- գ) Կարսի Անդրկովկաս-Թուրքիա կոնֆերանսը:
- դ) Թաթուլ Ալթունյանի կողմից Հայկական ժողովրդական երգի ու պարի անսամբլի ստեղծումը:
- ե) Հայկական 89-րդ ազգային դիվիզիայի կազմավորումը:
- զ) ԽՍՀՄ գիտությունների ակադեմիայի հայկական մասնաճյուղի ստեղծումը:

- 1) ա, գ
- 2) բ, գ
- 3) գ, գ
- 4) ա, ե

56 Փաստարկներից ընտրել երեքը, որոնք ճիշտ են պարզաբանում Մանավերտի ճակատամարտի հետևանքները.

- ա) Ամբողջ Հայաստանը մտավ սելջուկների հսկայածավալ սուլթանության սահմանների մեջ:
- բ) Տաշիր-Չորագետի, Վանանդի ու Սյունիքի թագավորությունները հպատակություն հայտնեցին սելջուկ-թուրքերին և փրկվեցին ավերիչ արշավանքներից:
- գ) Հաղթանակ տանելով, սելջուկները հսկայական ավարով և գերիներով վերադարձան Ատրպատական:
- դ) Բյուզանդիայի կողմից մինչ այդ նվաճված հայկական երկրամասերը լիովին վերականգնեցին իրենց անկախությունը:
- ե) Բյուզանդացիները հսկայական կորուստներ կրեցին, իսկ կայսրը գերի ընկավ:
- զ) Բյուզանդացիները շուտով ընդունեցին իրենց պարտությունը և հաշտություն կնքեցին սելջուկ-թուրքերի հետ:

- 1) ա, գ, ե
- 2) բ, դ, զ
- 3) ա, ե, զ
- 4) բ, գ, դ

57 Փաստարկներից ընտրել երեքը, որոնք ճիշտ են պարզաբանում գյուղատնտեսության կոլեկտիվացման հետևանքները.

- ա) Ձևավորվեց գյուղական մտավորականության խավ:
- բ) Մենատնտես գյուղացիությունը վերափոխվեց կոլտնտեսային գյուղացիության:
- գ) Շուրջ 40 հազար գյուղաբնակներ մնացին հողազուրկ:
- դ) Աշխուժացան ապրանքադրամական-շուկայական հարաբերությունները:
- ե) Գյուղացիության մի մասը համալրեց քաղաքային բնակչության, բանվոր դասակարգի շարքերը:
- զ) Կոլտնտեսությունները լիովին բավարարեցին բնակչության պարենի պահանջները:

- 1) գ, դ, ե
- 2) ա, ե, զ
- 3) ա, բ, ե
- 4) բ, դ, զ

58 Իրադարձությունները դասավորել ժամանակագրական հաջորդականությամբ.

- ա) Արտաշես 2-րդի սպանությունը:
- բ) Ասորեստանի մայրաքաղաք Նինվեի գրավվելը և հրի մատնվելը:
- գ) Արտաշատ մայրաքաղաքի կառուցումը:
- դ) Բագարան քաղաք սրբավայրի կառուցումը:
- ե) Տիգրանակերտի ճակատամարտը:
- զ) Հայ-պոնտական դաշինքի կնքումը:

- 1) բ, գ, դ, ե, զ, ա
- 2) բ, դ, գ, զ, ե, ա
- 3) դ, գ, բ, զ, ա, ե
- 4) դ, բ, գ, զ, ա, ե

49 Կատարել համապատասխանեցում.

- 1. Պավլիկյան առաջին խոշոր համայնքի հիմնումը Փոքր Հայքում
- 2. Մծուրք քաղաքի հիմնադրումը
- 3. Հռիփսիմեի տաճարի կառուցումը
- 4. Անիի մայր տաճարի կառուցումը

- ա) Տրդատ
- բ) Կոմիտաս կաթողիկոս
- գ) Ներսես կաթողիկոս
- դ) Կոստանդին
- ե) Սանատրուկ

- 1) 1-դ, 2-ե, 3-գ, 4-բ
- 2) 1-դ, 2-ե, 3-բ, 4-ա
- 3) 1-բ, 2-ա, 3-գ, 4-ե
- 4) 1-բ, 2-գ, 3-դ, 4-ա

50 Կատարել համապատասխանեցում.

- 1. Ա. Խանփերյանց
- 2. Հ. Բաղրամյան
- 3. Ն. Սաֆարյան
- 4. Հ. Բաբաջանյան

- ա) ազգային դիվիզիայի հրամանատար
- բ) գրահատանկային զորքերի գլխավոր մարշալ
- գ) Մերձբալթյան 1-ին ռազմաճակատի հրամանատար
- դ) ավիացիայի մարշալ
- ե) ԽՍՀՄ նավատորմի ծովակալ

- 1) 1-ե, 2-դ, 3-ա, 4-բ
- 2) 1-գ, 2-դ, 3-ե, 4-ա
- 3) 1-դ, 2-գ, 3-ա, 4-բ
- 4) 1-դ, 2-գ, 3-ե, 4-ա

Բ մակարդակ

- 51) Նշված պնդումներից ո՞րը ճիշտ չէ.
- 1) Վանի թագավորության հիմնական արտադրող ուժը երկրագործ ու անասնապահ բնակչությունն էր:
 - 2) Մասիս և Արագած լեռների միջև՝ Արաքսի միջին հոսանքում փռված է Արարատյան դաշտը:
 - 3) Մեզոլիթում արտաքին վտանգի ազդեցության ներքո ցեղերը միավորվեցին ցեղային միությունների մեջ:
 - 4) Մենուան նվաճել է Ուրմե, Արխի, Ծուփա և Մելիդ հայկական իշխանությունները:

- 52) Ի՞նչ էր նախատեսվում թուրքական կառավարության հրապարակած թանգիմաթով. Դրանով...
- 1) սահմանափակվելու էր սուլթանի իշխանությունը:
 - 2) Թուրքիայում անցկացվելու էին ընտրություններ:
 - 3) Թուրքիայի արևելյան նահանգներում ստեղծվելու էր հայկական ազգային օջախ:
 - 4) բոլոր հպատակներին տրվելու էր կյանքի ու գույքի ապահովություն, հարկերի հավասար բաշխում, դատական գործի բարելավում:

- 53) Հասկացությունները համապատասխանեցնել իրենց բովանդակությամբ.
1. գեղջավազ
 2. բեյ
 3. պարոնտեր
 4. բեկ
- ա) սանջակի կառավարիչ
բ) բեկլարբեկության կառավարիչ
գ) պետական ստորին պաշտոնյա Հին Հայաստանում
դ) մելիքական տոհմի կրտսեր ներկայացուցիչ
ե) իր կալվածքները կամովին եկեղեցուն հանձնած և հոգևոր կոչում ընդունած հայ կալվածատեր
- 1) 1-դ, 2-բ, 3-ե, 4-ա
 - 2) 1-գ, 2-բ, 3-ա, 4-դ
 - 3) 1-գ, 2-ա, 3-ե, 4-դ
 - 4) 1-ե, 2-ա, 3-դ, 4-բ

- 54) Հասկացությունները համապատասխանեցնել իրենց բովանդակությամբ.
- 1) մուհաջիր
 - 2) չերքեզ
 - 3) համիդիե գնդեր
 - 4) ենիչերական զորքեր
- ա) Եգիպտոսում մանուկ հասակում մահմեդականություն ընդունած և ռազմական գործի մեջ հմտացած ստրուկ
բ) քրդերից ստեղծված հեծելազորային զորամասեր
գ) Կովկասից Անատոլիա արտագաղթած մահմեդական գաղթական
դ) Բալկաններից Թուրքիա եկած մահմեդական գաղթական
ե) Թուրքիայում մանուկ հասակում բռնի հավաքագրված և դավանափոխ արված քրիստոնյաներից կազմված զորամասեր
- 1) 1-գ, 2-ա, 3-բ, 4-ե
 - 2) 1-դ, 2-գ, 3-բ, 4-ե
 - 3) 1-ա, 2-դ, 3-ե, 4-բ
 - 4) 1-դ, 2-գ, 3-ե, 4-բ

- 55) Փաստարկներից ընտրել երեքը, որոնք ճիշտ են պարզաբանում Վարդանանց պատերազմի հետևանքները.
- ա) Պարսիկները թեթևացրեցին հարկերը, հաշտվեցին Հայաստանի ներքին ինքնուրույնության հետ:
բ) Հայաստանում սկսեցին պաշտոնների նշանակել ոչ թե ուրացողներին, այլ արժանավոր մարդկանց:
գ) Դվինը դարձավ մարզպանական նստավայր:
դ) Հայրենի երկիր վերադարձավ հայոց այրուծին:
ե) Պարսիկները հրաժարվեցին բռնի կրոնափոխության ծրագրից:
զ) Ներում շնորհվեց ապստամբության ղեկավար նախարարներին և հոգևորականներին:
- 1) ա, ե, գ
 - 2) ա, դ, ե
 - 3) բ, գ, ե
 - 4) գ, դ, գ